



# HAYFIDY 2023

Maridrefy sy masontsivana ho an'ny safidy matotra sy voalanjanja

FIFIDIANANA 2023



## HEVITRA NO FIDIANTSIKA FA TSY VOLA SY FITAOVANA



## Teboka 4 Tsara ho fantatra alohan'ny handatsaham-bato

### OLONA TOY NY AHOANA NO TOKONY HIROTSAKA HO FIDIANA HO FILOHAN'NY REPOBLIKA ?

- Nandranto fianarana, manana traikefa hita sy mazava amin'ny fitarihana
- Manaja sy mampiatra ny mangarahara izy, momba ny tenany, ny asany, sns
- Miezaka ho modely, tsy manazaza olompirenena,
- Mahitsy fitondrantena .

### INONA NO ASAN'NY FILOHAN'NY REPOBLIKA?

- Mpitarika ny fanjakana
- Mpitarika ny tafika
- Mpandrindra ny fifandraisana ara-diplomatika
- Tomponandraikitra amin'ny famoahana, fampiarana didy aman-dalana

### INONA AVY NO TOKONY HO HITA AO ANATIN'NY PROGRAMAN'NY KANDIDA IRAY?

- Paikady iadiana amin'ny kolikoly
- Paikady azo tanterahana mba hisitrana ny Malagasy ny zo fototra rehetra
- Paikady ho an'ny fitrandrahana ara-drariny ny harena voajanahary.

### INONA NO ATAO HOE "FAHOMBIAZANA"?

- Mahomby ny fitantanana iray rehefa:**
- Voaporofa fa misy dingana mivaingana vita amin'ny ady amin'ny kolikoly
  - Tanteraka ny ankapobeny amin'ny programan'asa nentina
  - Mangarahara azy azo hamarinina ny fomba fiasa sy ny asa natao
  - Mifandray amin'ny filan'ny mponina amin'ny faritra ivelomany ny asa sy programa

## Sivana 6 entina manao safidy mari-pototra, voasaina ary matotra amin'ny fifidianana 2023

### Raha efa olomboafidy ilay kandida

- 1 Mombamomba ilay kandida: faripahaizany, foto-pivelomany, fifidianana efa natrehany, sns
- 2 Ny taha-pahavitan'ireo fampanantenana nataony [25% ve sa firy?]
- 3 Ny raharaha ara-pitsarana efa nahavoampanga azy na nahavoatonina ny anarany
- 4 Ny fahombiazan'ny fitantanany [nihatsara ve ny toe-piainana?]
- 5 Ny drafitra ara-pandrosona arosany: mari-pototra, afaka tanterahana ao anatin'ny dimy taona
- 6 Ny fanambarany ampahibemaso sy mangarahara ny loharanombola ampiasainy.

HAYFIDY HOE ?

- Masontsivana entina hanampiana antsika olompirenena hanao safidy malina, marim-pototra ary voasaina tsara amin'ny fifidianana, ho fanentanana ny tsirairay hifantoka amina kandida manana programa matotra, manao ny ady amin'ny kolikoly ho vaindohandrahara ary mandala ny fahitsiana sy tamberinandraikitra
- Fitaovana tsotra fampitahana ny kandida, natao ho ampiasain'ny mpifidy tsirairay, izay mitazona ny valinteny hitany ho azy samirery, ary tsy hanaovana fampielezankevitra.

AHOANA NY FAMPIASANA NY HAYFIDY?

- A. Vakio ny fehezanteny tsirairay ao anaty fafana
- B. Asio isa ny valinteny mifanandrify amin'ny hevitrao
- D. Totalio ny isa azon'ny kandida tsirairay, vakio ny fanazavana mifandraika amin'ny naotiny
- E. Ataovy ny fampitaha amin'ireo kandida samihafa ary mifidiàna!

AHOANA NY FAMETRAHANA ISA ARAKA NY VALINTENY ?

- TSIA = isa 0
- Tsy ampy na/sy manalasala ny zava-pantatro = isa 1
- ENY = isa 2














\*\* Tsy maintsy omena isa 0, na 1, na 2 avokoa ny fehezanteny rehetra ao anaty fàfana

TANDREMO

Tsy miandany amina kandida na antokonalokoara-politikanyHayfidy. Mba hanamafy orina ny safidinao : mihainoa vaovao tsy tapaka, mizara mandinika sy mamakafaka izay voalaza ary mazotoa manaraka ny vaovaompirenena samihafa.

RAHA MILA FANAZAVANA FANAMPINY

- Transparency International – Initiative Madagascar
- contact@transparency.mg

	1	2	3	4	5	6	7	8	9	10	11	12	13
NY FAHAFANTARANAO NY KANDIDA													
	RAZAFINJOELINA Tahina	ANDRIANAINARIVelo Hajo Herivelona	RAJOELINA Andry Nirina	RATSIRAKA Iarovana Roland	RAVALOMANANA Marc	PARAINA Auguste Richard	RAOBELINA ANDRIAMALALA Andry TsiverizoMarc	RAZAFITSIANDRAOFA Jean Brunelle	RATSIRAHONANA Lalaina Harilanto	RAJONARIMAMPIANINA RAKOTOARIMANANA Hery Martial	RADERANIRINA Sendrison Daniela	RATSIETISON Jean-Jacques Jedidia	RANDRIANASOLONIAKO Siteny Thierry
I. Momba ny kandida													
1. Fantatro tsara izy, ny momba azy (fianarana natao, asa, sns)													
2. Olona azo antoka sy azo itokisana ny mpiara-dia aminy.													
II. Momba ny programan'ny kandida													
1. Manana programa maty paika izy.													
2. Mifandraika amin'ny filàn'ny faritra misy ahy ary mahavaha ny olan'ny fiarahamonina ny programa arosony.													
3. Tanteraka ao anatin'ny 05 taona ny programa arosony													
III. Momba ny fahavononona hiady amin'ny kolikoly sy hanara-dalàna													
1. Misy fepetra manokana hiadiana amin'ny kolikoly ny programany													
2. Milaza ampahibemaso ny loharanombola ampiasainy amin'ny fampielezankevitra izy													
3. Fitaovany sy volany manokana sy an'ny antokony no ampiasainy mandritra ny fampielezankevitra (fa tsy an'ny Fanjakana) ary tsy mizara vola sy fitaovana ho tambin'ny vato izy													
4. Madio imason'ny lalàna, tsy mbola nandalo fitsarana, tsy mbola voasaringotra amin'ny resaka kolikoly, ary tsy mbola nisazy izy													
5. Mangaraharaha ny fiarahamiasany amin'ny any ivelany, ka tsy hatahorana hisy fifampiraharahana amina firenena sy mpamatsy vola mampiahiahy													
IV. Momba ny andraikitra ambony efa noraisiny na ny naha- olomboafidy ny kandida(*). Nandritra ny fotoampiasany dia :													
1. Nitàna ny teny nomeny izy ary nahatanteraka izany araka izay tratrany													
2. Azo antoka ny fiasany sy ny mpiaramiasa aminy, lavitry ny raharaha maloto sy mamohetra													
3. Niezaka hiady amin'ny kolikoly sy mamongotra ny tsimatimanota izy													
TOTALIN'ISA													

(\*) Heverina ho ilaina ny traikefa amin'ny fitantanan-draharahampanjakana raha hitondra firenena, mba ialàna amin'ny fanaotaovana foana, satria samihafa amin'ny orinasa na fiangonana na rafitra hafa ny firenena.



JEREO NY TOTALIN'NY ISA NOMENAO NY KANDIDA SY NY METY HO DIKAN'IZAY



Raha ireto ny isa hitanao	Raha isa 0 ka hatramin'ny 10	Raha isa 11 ka hatramin'ny 20	Raha isa 21 ka hatramin'ny 26
Dia toy izao ny dikany	Mivangongo amin'ity kandida ity avokoa ny singa miiba rehetra. Tsy vonona hiady amin'ny kolikoly, tsy vonona hampandroso ary tsy mitarika ho amin'ny fivoarana. Azo heverina fa mbola tsy feno ny vaovao anananao momba ity kandida ity sy ny programany na misy singa manokana mety mampanahy anao. Tandremo ! Mba ialàna amin'ny fisalasalana, manaraha vaovao tsy tapaka ary fakafakao izay lazain'ny kandida sy izay voarakitra ao anatin'ny programan'asany.	Azo heverina fa mahafeno amin'ny ampahany ny masontsivana ity kandida ity, saingy mbola mampiahiahy anao ny momba azy sy ny asany teo amin'ny sehatra politika. Mba ialàna amin'ny fisalasalana, manaraha vaovao tsy tapaka ary fakafakao izay lazain'ny kandida sy izay voarakitra ao anatin'ny programan'asany.	Hatreto aloha dia ahitana singa miaabo betsaka ny kandida nosivaninao. Tandremo anefa ny endrika ivelany : aoka ho malina sy hanara-maso hatrany indrindra mandritra ny fampielezan-kevitra. Mba ialàna amin'ny fisalasalana, manaraha vaovao tsy tapaka ary fakafakao izay lazain'ny kandida sy izay voarakitra ao anatin'ny programan'asany.